



Publicaziuns dalla vischnaunca, jamna 25

Damonda da baghegiar

2021-1049.000

Datum dalla publicaziun: 25 da zercladur 2021

La patruna: Vischnaunca Disentis/Mustér, Via Cons 2, 7180 Disentis/Mustér

Il representant: Uffeci da baghegiar ed infrastruttura Disentis/Mustér, Via Cons 2, 7180 Disentis/Mustér

Object: Nova piazza da rimnar rumien, niev moloc, parcella 1835, Disla, 7180 Disentis/Mustér

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 22 da zercladur 2021

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1011.000

Luis Durschei, c/o Durschei Fiduziaria SA, Via Lucmagn 7, 7180 Disentis/Mustér; midada d'intent dretg funsil puril, clavau sco diever da magasinar e deposit da lenna, parcella 2584, Muot, 7186 Segnas.

Nr. 2021-1015.000

Rico Kùmin, Brunnenhof 6, 6242 Wauwil; sanaziun dil mir da sustegn, parcella 1236, Via Plauncas 3, 7180 Disentis/Mustér.

Nr. 2021-1022.000

Uve Giger-Caminada, Via Denterpraus 1, 7186 Segnas; construcziun nova d'in suttetg, parcella 3628, Via Denterpraus 1, 7186 Segnas.

Nr. 2021-1023.000

António Luis Dos Santos Pimenta, Via Sontget 3, 7180 Disentis/Mustér; tschentar ina casetta da curtin, parcella 916, Via Sontget 3, 7180 Disentis/Mustér.

Nr. 2021-1026.000

Heidi e Peter Zazzi-Loretz, Via da Scola 14, 7180 Disentis/Mustér; construcziun d'ina nova seiv, parcella 3003, Via da Scola 14, 7180 Disentis/Mustér.

Nr. 2021-1029.000

Manuela e Roland Ullram-Schmed, Ettenbergstrasse 9, 8907 Wettswil; tschentar ina casetta da curtin, parcella 2165, Via Clavau, 7182 Cavardiras.

Nr. 2021-1030.000

Doris Tuor-Rieser, Via Dulezi 19, 7180 Disentis/Mustér; nova pumpa da calira cun sondas geotermicas, parcella 682, Via Dulezi 19, 7180 Disentis/Mustér.

Nr. 2021-1035.000

Recal AG, Via dalla Stampa 8, 7180 Disentis/Mustér; amplificaziun al scaldament lontan, parcella 682, Via Alpsu 21, 7180 Disentis/Mustér.

Nr. 2021-1036.000

Recal AG, Via dalla Stampa 8, 7180 Disentis/Mustér; amplificaziun al scaldament lontan, parcella 766, Via Gonda, 7180 Disentis/Mustér.

Disentis/Mustér, ils 25 da zercladur 2021

Uffeci da baghegiar Disentis/Mustér



Negina fiasta officiala digl 1. d'uoost 2021

La fin da matg 2021 ein differentas reglas da higiena e da distanza en connex cul coronavirus vegnidas sluccadas. Malgrad quellas midadas eis ei grev d'organisar occurrenzas publicas. Sebasond sin quella situaziun sco era per vinavon limitar il prighel da derasar il virus ha la suprastonza communal decidu da desister era uonn d'organisar ina festividad d'1. d'uoost publica. Nus engraziein per la capientscha e supplichein da risguardar la gastronomia indigena per festivar nossa biala patria.

Suprastonza communal

Appel da risguardar ils dis da ruaus publics

La protecziun dils dis da ruaus publics vegn reglada ella lescha communal davart ils dis da ruaus publics. En art. 5 dalla lescha vegnan las excepziuns circumscrettas, e gest quellas ein motiv che la suprastonza communal vegn adina puspei fatga attenta sin surpassaments. Cunzun l'interpretaziun dallas excepziuns en connex cun lavurs ell'agricultura caschunan discussiuns ella populaziun.

Nus appellein perquei instantamein a nos purs d'exequir quels dis sil funs sulettamein lavurs per perver animals cun pastg verd ni sch'ei exista il prighel che la raccolta vegni svaletada ni lavagada. Interpretond quella prescripziun sa ei en cass excepziunals capitar ch'ei sto vegnir rischlau ina dumengia ni in firau, denton eis ei da tralaschar da segar durant ils dis da ruaus publics. Sch'ei selai buc evitar da rischlar in di da ruaus public, supplichein nus d'exequir quellas lavurs cun minimar las immissiuns da canera e da prender il duu risguard cun transportar il pavel atras territori habitau.

Bien engraziament per la capientscha ed il risguard.

Suprastonza communal

Serrada vias d'uaul muort lavurs da construcziun

Durant il temps da baghegiar ston ils tschancuns dils plazzals da construcziun vegnir serrai pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari el liug. Il stan actual davart las restricziuns vegn communicaus silla pagina d'internet www.disentis.ch/strassen. Muort ils plazzals pretensius sa ei dar midadas dallas restricziuns da traffic era a cuorta vesta.

Plaun Menisch: Plaunca Su–Pardi

Da Plaunca Su entochen Pardi resta la via serrada **entochen igl atun**. Per contonscher ils mises a Plaun Menisch exista la pusseivladad da carrar sur la Val da Segnas. Impressari: Berther Bau und Industrie AG, Ibrahim Bajraktaraj, 079 433 13 10.

Val Runtget: Cavardiras–Caischavedra

La via ei serrada sunter l'Acla da Runtget entochen las Aclas da Cavardiras. Las lavurs cuozan **entochen ils 18 da zercladur 2021**. Gest tenor avanzament dallas lavurs sa la via vegnir dada libra durant certas fins d'jamna. Durant las lavurs da scavament ei quei denton buca pusseivel. Impressari Ribbert AG, Marco Graber 079 247 97 01.

Via Run: Marietta–Plaun Tir

Naven dalla Marietta entochen Sils Bletschs ei la via serrada **naven da gliendisdis, ils 17 da matg 2021 entochen ils 25 da zercladur 2021**. Impressari Josef Gall, 079 216 07 51. Las reparaturas vid la via naven dalla Truaisch entochen la tegia da Plaun Tir vegnan exequidas naven da miez zercladur entochen la fin d'uoost 2021. Igl access sin quei tschancun ei sulettamein pusseivels pil traffic plaun.



Via Cavorgia: Mises las Cavorgias–Camacher–Riada

Muort la situaziun da neiv ei il termin per entscheiver cullas lavurs da reparatura aunc buca definius.

Nus supplichein da prender enconuschientscha da quest avis ed engraziein per la capientscha.
Uffeci forestal Disentis/Mustér

Rapport da gestiun 2020

Il rapport da gestiun 2020 ell'usitada fuorma stampada e ligiada ei vegnius distribuius quest'jamna en tuttas casadas en vischnaunca. Ulteriurs exemplars san vegnir retratgs en casa communalà ella stanza da publicaziuns (1. alzada).

Il rapport da gestiun culs detagls tiel quen ei era publicaus en fuorma digitala sin www.disentis.ch sut downloads / contabilitad.

Administraziun communalà

Controlla da habitonts

Naschientschas

Margaretha von Dellemann, naschida ils 8 da zercladur 2021, feglia da Johanna Maria Wüthrich e Michael von Dellemann

Henri Bajraktaraj, naschius ils 16 da zercladur 2021, fegl dad Eldonita ed Agim Bajraktaraj

Mortori

Giusep Schmed-Durschei, naschius ils 29 d'october 1932, morts ils 16 da zercladur 2021

Biblioteca populara Disentis/Mustér e contuorn

Liug: Casa da scola, tel. 081 947 52 90, www.biblioteca-disentis.ch / biblioteca@disentis.ch

Preziada clientella

Nus selegrein d'era astgar esser cheu per Vus duront las vacanzas da stad. Naven da **gliendisdis, ils 28-6-2021 entochen venderdis, ils 13-8-2021** ei nossa biblioteca mintgamai aviarta sco suonda:

gliendisdis e venderdis dallas 18.30–20.00

Naven da gliendisdis, ils 16-8-2021 (entschatta dalla scola) ei la biblioteca puspei aviarta quater gadas per jamna.

Liebe Kunden

Es freut uns, dass wir auch während der Sommerferien für Sie da sein dürfen. Ab **Montag, 28.6.2021, bis Freitag, 13.8.2021**, ist unsere Bibliothek jeweils wie folgt geöffnet:

Montag und Freitag von 18.30–20.00 Uhr.

Ab Montag, 16.8. 2021 (Schulbeginn), gelten wieder unsere üblichen Öffnungszeiten.

Nus giavischein a Vus bialas vacanzas e selegrein sin Vossa viseta.

Biblioteca populara Disentis/Mustér e contuorn



Preavis

Portas aviartas en biblioteca e ludoteca

Mesjamna, igl 1. da settember 2021 organiseschon la biblioteca e la ludoteca ensemen in suentermiezdi da portas aviartas. L'occurrenza ha liug naven dallas 13.00 tochen allas 17.00.

Nus selegrein sin Vossa viseta.

Biblioteca populara Disentis/Mustér e contuorn e la Ludoteca Disentis/Mustér e contuorn
